


風陵文庫  
文庫19  
F 64  
1



五藏山經傳

F0064-(1)

# 五藏山經

## 五藏山經傳卷第一

### 南山經

彭縣呂調陽述



南山經之首曰維山其首曰招搖之山臨于西海之上多  
 柱多金玉有艸焉其狀如韭而青華其名曰祝餘或作食  
 之不飢有木焉其狀如穀而黑理文選注王中頭陀寺  
 華四照其名曰迷穀佩之不迷有獸焉其狀如禺而白耳  
 伏行人走其名曰狢狢食之善走麗麇之水出焉而西流  
 注于海其中多育沛佩之無瘕疾

此經所志自今藏地雅魯藏布江源以東至拉撒詔諸

山也。雒山即達穆楚克山，雅魯藏布所源也。雅魯藏布即赤水，其源有池，斜銳水自東北流出，會池北一源，象雒仰地張喙之形，故山得名焉。招搖之山在雒山西五十里。傳中所舉里數皆今度，每百里得經之百五十里。即狼阡喀巴布山也。有色梅河二源，西北流而合，即麗旨之水。又西會南一源，西注馬品木達賴池，池周二百餘里，即經所云西海也。招搖亦象水為名，膺當作旨，因麗下體譌衍，旨古文作𠂔，从爪从甘，即指字麗旨者，指膠于飴，不得開也。此水形似之池，水又西為郎噶池，又西流會諸水，曰岡噶江。

東南至印度入海，而赤水東經拉撒詔，折南至緬甸，曰大金沙江，西南入海。或云會同祝餘，即貝母苗似大蒜，青華根作瓣如貝子，拔之有頃漸墜如祝者，時一俯屈，故名餘，余通古作今，既接垂屈也。陶宏景本艸，貝母服之不饑，斷穀與此經合。穀古音殼，汁若乳，穀也。禺，佛狒也。一名蒙頌，一名鼻陽，字又作禺象，被髮蒙戎之狀。後人讀禺為佛，故不知禺為何物矣。育沛，今名海馬產婦，握之易生，故名。亦消痕塊，見陳藏器本艸拾遺及李時珍綱目。

又東三百里每百里當今之六十六里六分每三百里得地上之一度今為二百里也曰堂庭之山一作帝庭初學記引作堂夜並誤多棧木多白猿多水玉多黃金雒山之東也此經以周尺百六十六丈六尺為里今以縱黍尺百八十丈為里當周尺之二百五十丈故每三百里得今之二百里也堂庭山在今姜白穆廟之南有隆列河自西來受北偏西一水東逕廟南平流百五十里屈而北少東注赤水象堂庭也棧同粘杉也其季枝名榭可作箕亦可為矢服水玉水精亦名璿視物不隔在水若無今人以為眼鏡也

又東三百七十里曰枉陽之山

郝云玉篇有桄陽山桄思計切疑此字形之譌案此

玉篇譌也郝說非

其陽多赤金其陰多白金有獸焉其狀如馬而

白首其文如虎而赤尾其音如謠其名曰鹿蜀佩之宜子孫怪水出焉而東流注于憲翼之水其中多玄龜其狀如龜而烏首虺尾其名曰旋龜其音如判木佩之不聾可以為底此山舊次後


枉當作丑羞也丑陽之山今郭拉嶺也以居怪水之陽

故名丑陽怪水今佳隆魯河出山之西南東北流會翁

楚河

唐古特語楚水也

象穿窬故曰怪又象淫者故曰丑怪古

作𧈧从心从虫盜穿壁也中卽彡字丑古作𧈧从二乃  
乃者以指斥也憲翼之水卽後翼山水憲縣法也橫繩  
縣之也後翼水形似之怪水東北入赤水又東會憲翼  
水曰注者究言之經多此例旋龜卽鸚龜狀如龜長二  
三尺兩目在側如鳥其聲似鸚亦似人斧木作聲主婦  
人難產及月佩之見本艸拾遺爲治也底一作底竝痕  
之譌痕產病也从疒从民民子也古文作象子牽母  
衣形民亦聲今詩爾雅亦皆譌作痕案詩無將大車痕  
塵爲韻白華痕卑  
爲韻卑  
音同賓

又東三百八十里曰後翼之山

初學記引  
作稷翼誤


其中多怪獸水

多怪魚多白玉多蝮虫多怪蛇多怪木不可以上

此山舊  
在柎陽

之前

後翼山臨拉穆錯錫穆鎔池池水象雌猴懷孕之形故

曰後翼翼猶冀也冀从異古作子未生也从北

背也孕者若卻手于背也

冀望冀幸  
義取此

鳥翼之翼在背若

冀也此池南受二水爲後足西南二水入其腹東北一

水注其腦又西北自領下流出注赤水與東北一水如

橫繩之縣故復號水曰憲翼也蝮虺也博三寸首大如

擊虫同蟲古音融蝮虫亦海外蟲為蛇蛇為魚之例

又東三百里曰柢山

舊脫曰字郝云明藏經本有之

多水無艸木有魚焉

其狀如牛陵居蛇尾有翼其羽在鮐下

鮐亦作脅

其音如留牛

其名曰鮐冬死而夏生食之無腫疾

蓬楚藏布東源所出曰瓜查嶺蓋即柢山柢通觝水形

象獸角也鮐疑當作鮫即鮫鯉也一名龍魚一名鯨凡

與身等甲能張翕穿地行或礙于石則吼如留牛留牛

野牛被胃縣起也其甲醫家用治腫毒鮐同肱亦下也

呂氏春秋曰為青魚肱

又東三百里曰青丘之山其陽多玉其陰多青臙

舊譌作護有

獸焉其狀如狐而九尾其音如嬰兒能食人食者不蠱有

鳥焉其狀如鳩其音若呵名曰灌灌

或作灌非

佩之不惑英

水出焉南流注于即翼之澤其中多赤鱗其狀如魚而人

面其音如鴛鴦食之不疥

此山舊次基山之後

青丘在藏地日喀則城之西南四百餘里薩布楚河所

出之卓爾木山也薩布水形象人跂足窺井故名青丘

其南有吉隆布策瓦河兩源合東南流又環曲而南注

朱母拉木池象孕婦首仰之狀故名英水其東復有一

水二源合南流亦注于澤象接內故曰卽翼之澤也英  
通央仰枕也古作峇从口古枕字从亢頸也翼義見前  
卽接也灌灌聲如沃灌也鱗疑鯢之譌大鰕也公疥癬  
風瘙身痒見本艸拾遺

又東三百里曰僕句之山句一作夕舊作句並誤其上多金玉其下

多艸木無鳥獸無水此山舊錯簡在三經夷山之後作又東五百里

山在今將則城年楚河象句背而後有叢枝也

又東二百里曰基山其陽多玉其陰多怪木郝云太平御覽五十卷引

此經多怪木上有有獸焉其狀如羊九尾四耳其目在背其

名曰搏訖一作佩之不畏有鳥焉其狀如雞而三首六目

六足三翼其名曰鵠舊譌作鵠鵠玉篇作鵠廣雅釋地作鷲食之無卧此

舊次直爰之後作又東三百里

基當作箕山卽努金剛藏山有水東北會龍前河入赤水西對林奔城西南小水形如箕也搏訖當作搏狔搏鋪也狔尾似蛇也玉篇廣韻作搏狔鵠行斃也鵠如授者竝鄉也

又東四百里曰直爰之山多水無艸木不可以上有獸焉其狀如狸而有髦其名曰類類或作沫髦或作髮自爲牝牡食者不



如此山舊次  
概山之後

僕句東也拜的城南有牙穆魯克池廣二百三十餘里  
周七八百里中有三山一名米納巴一名鴉博士一名  
桑里山下溪流甚多時白時黑或成五采池水周遶不  
流亦不涸卽夏爰之山也直通單嘽呼也爰援也古文  
作受單受所謂不可以上也類靈狸也亦曰靈貌貌借  
作貓  
好類面如貌故謂之類類古文作𧈧从犬从類亦聲類  
通作沫故此經類或作沫篆作𧈧郭氏誤以為作沛也  
篆作𧈧爾雅龜左倪者類亦象類面也類自為牝牡故

凡謂肖曰類

又東三百五十里曰箕尾之山

玉篇作箕山  
無尾字非

其尾跋于東

海多沙石沔水出焉

玉篇作  
沔水誤

而南流注于滄其中多白玉

亦僕句東也箕尾箕山之尾也山在今拜的城西南有  
龍前河西南流會努金剛山水北注赤水其形長方故  
名沔努金剛水形圓似孕婦腹故名滄其山枝麓東南  
屬于牙母魯克之北涯也跋當作跣跋舉足擊物數起  
如交也跣坐垂足如允也允猶余也古文作𧈧交強作  
不已也東海對西海而言努金剛水西南對尼  
揚楚河象子生也

凡雒山之首自招搖之山以至箕尾之山凡十一山二千九百里原作三千二百里依舊文數之則其神狀皆鳥身

北堂書鈔一百三十卷引此經作人身而龍首其祠之禮毛用一璋玉瘞糝

用稌米一璧稻米白菅為席太平御覽七百九卷引作白蒲為席蓋誤

南次二經之首曰柜山西臨流黃北望諸毗東望長舌舊作

長古依廣韵改英水出焉西南流注于赤水其中多白玉多丹粟

有獸焉其狀如豚有距其音如狗吠其名曰狸力郭注一作刀

見則其縣多土功有鳥焉其狀如鵝舊作鵝玉篇作雞並非而人首

舊作手非廣韻作自其音如痺其名曰鴉其鳴自號也見則其縣多

放士

此經所志衛地以東諸山也柜山拉撒詔東北之央噶

拉嶺也柜同巨準器盛水者也木為方斗旁出兩遂若句股形俱溢則平也

嶺東之噶爾招木倫江形方似之流黃澤名即騰格里

海東西長二百八十里南北廣百四五十里在拉撒西

北三百二十里所謂流黃辛氏之國者也凡羣水瀝澤

曰諸毗諸豬也如豕子從母也毗輔也如輔員于輻也

輔無輻小輪著于轂外以備陷也亦名曰古作音奮此之諸毗謂喀喇諸池黑

水上源也長舌見下英水出嶺西今名拔布隆河西北

流又西南折而東會米底克河名噶爾招木倫江亦曰

藏江西南經拉撒詔注雅魯藏布英亦當為央義見首

經距鳥獸足後跂也鷓鴣之雌為痺今朝天鳥也鷓鴣其飛

似鷓其色似鷓故名鷓首圓如木朱也朱者木中結枝所自生也

圓而赤故又謂赤曰朱陶潛讀山海經詩稱此鳥為鷓

鵝亦誤解朱義也今陶詩木復誤為鷓鵝

東 三百五十里曰長舌之山無艸木多水有獸焉其狀

如禺而四耳其名長舌舌舊作右廣韻引此經竝作長舌其音如吟見則

郡縣大水此山舊作東南四百五十里

山在今拉里城西噶克布河西北二源象人口中有海

子長數十里受東南一水象長舌也獸名亦因水形附會耳

東五百里曰禱過之山其上多金玉其下多犀多象有鳥

焉其狀如鷓而白三首三足人面其名曰瞿如白下舊脫三字瞿玉

篇廣韻竝作鷓玉篇云鷓鳥似白鷓廣韻云鷓三首三足鳥其鳴自號也浪水出焉而

南流注于海其中有虎蛟其狀魚身而蛇尾其音如鴛鴦

食者不腫可以已痔此山舊作東五百里

此下至末舊竝誤在南次三經天虞之山之後蓋編書

者見兩諸毗同名妄移之也禱過之山在達隆宗城東

名必達拉禱過水形狀稽顙也鳩鵲也瞿鳥畏人左  
右顧也瞿如貌三首而為名也浪水達穆楚河也源自  
必達拉之西曰爭鎔池西南流為堆穆鎔池又西北為  
羅鎔池又北而東北注黑水南流經雲南界至緬甸入  
海即怒江也浪讀如很从貝怒以首觸人也易卦之艮  
本作八从  
反人止而反也其作貝即鬪很字以首觸人怒目  
也通作腹並从反八與頤而長兮之从八者不同亦象  
稽顙至地虎蛟即鮫魚之背有斑文如虎者餘尚數種  
形並似魚青目赤頰背上有鬣腹下有翅大者尾長數  
尺能傷人皮並似磬名鱗魚亦曰沙魚也

又東四百里曰發爽或作峇藝文類聚九十  
五卷引此經亦作發爽之山無艸木

多水多白猿類聚引  
作猿汎水出焉而南流注于渤海

匝楚里岡城東北百二十里有楚克阡兩池象人目故

曰發爽發爽猶發視也其水東南流會西來之匝楚里

岡山水又東南入瀾滄江象游者之狀故曰汎水瀾滄

又南經雲南境至越南為富良江入海廣南灣所謂渤

海此山舊作又  
東五百里

又東五百里曰丹穴之山其上多金玉丹水出焉而南流

注于渤海有鳥焉其狀如鶴舊譌作鷄郝云史記司馬相  
如傳正義文選注顏延之贈

王大常詩藝文類聚九十九卷及初學記五卷引此經並作鶴薛綜東京賦注引作鶴

曰鳳皇首文曰德翼文曰義背文曰禮海內經作翼文曰順背文曰義廣雅

同膺文曰仁腹文曰信周書王會解云西申以鳳鳥鳳是鳥者戴仁抱義掖信歸有德

鳥也飲食自然初學記引作不飲不食誤自歌自舞見則天下安甯

汎水既入瀾滄後南流百餘里東岸有地名擦喀羅巴

即丹穴唐古特語謂丹沙曰擦郭溝曰龍巴喀即郭之轉音羅即龍之轉音也丹水即擦

喀溝所出西注瀾滄者也

又東四百里至于旄山之尾其南有谷曰育遺或作隨多怪

鳥凱風自是出

金沙江即古繩水導源滕格里池北之巴沙通拉木山

即巴遂山東流至黃河源之南河源諸小水象旄形其

山是為旄山旄山東南歷金沙東岸而至里木山之東

當里楚河折而東流之北岸是為旄山之尾

又東四百里至于非山之首其上多金玉無水其下多蝮

虫

里楚河流至里塘城東南折而南流與其東之雅龍江

即古若水相距五六十里並行而南三百餘里兩川間都無

小水是為非山非猶違也背也非山之首蓋在雅龍江

西南流折而南之西

又東三百里曰陽夾之山無艸木多水

舊作又東五百里

陽夾脅在腹前也山在打箭爐南六十里其北三池爲瀘河源北流東注大渡河東南一源爲什丹河亦注大渡河西南爲霸拉河注雅龍江自此而南循山發水左右分注統號之曰陽夾也

又東五百里曰灌湖射之山

舊作灌湖之山从或作

上多不無艸多

怪鳥無獸

舊作又東五百里

拒山東北也在喀喇烏蘇北岸駭拉池合諸水南注處喀喇烏蘇源自滕格里海東北之布喀池西北流又瀦爲額爾吉根池又東北爲集達池又東南爲喀喇池又東南而南受西南之說木池水又東受此水一川而三面皆湖水相灌注是以曰灌湖射也喀喇蒙古語黑也烏蘇水也

又東五百里曰雞山其上多金其下多丹牖黑水出焉而南流注于海其中有鱒魚其狀如鮒而兔毛其音如豚見

則天下大旱

據此經喀喇烏蘇會雞山水後始名黑水與今異雞山

在索克宗城比近索克占且索河東北流折而西南與

黑水會象雞首也此水源流齊氏未及詳序然北阻瀾

過二百餘里而云長五百餘里則非正南流喀喇河自

此以下名色爾楚唐古特語色爾金也楚水也即雞山

多金之證矣臙酒也丹之青黑者得酒多美丹得酒少

故有青臙丹臙之分臙善瀉如鷺鳥疾下故名臙从萑

葉折隕曰橫水瀉鱒穹背似鮒而腹圓大本常魚以鱒

毛為異耳

又東三百七十里曰侖者之山其上多金玉其下多青臙

有木焉其狀如穀而赤理其汁如黍汁舊譌作汗太平御覽五十卷引作汁

其味如飴食者不飢可以釋勞其名曰白薺可以血玉此

舊次令丘之後

侖者之山在察木多西北瀾滄兩水平行東南流似侖

亦似堵也侖作册次合其竹也堵牆也省作者白薺或

作翠蘇郭云翠蘇一名白薺見廣雅音羔案廣雅在釋

艸篇也血猶蚌也郭云可用染玉作光采

又東三百里曰令丘之山無艸木多火其南有谷焉曰中

谷條風自是出有鳥焉其狀如梟人面四目而有耳其名

曰鷓舊作鷓玉篇廣韻竝作鷓其鳴自號也見則天下大旱此山舊在

柜山之東長舌西北也令丘即噶克布西北源所出之

一此水西聯臧河象屋脊故曰令令同瓴屋脊也从人从口瓦相比次如口

之合也今古同音益其東北源所出曰擦拉嶺東源曰偶公拉

嶺南又有擦楷卡唐古特語擦熱也拉山也楷水也楚蘇

楷出聲清濁耳即此經云多火矣然天寒無艸木自拉里東西

二三百里中冰雪常積樵蘇絕難行者苦之中谷條風

未詳鷓者首似禺也其鳴自號亦衍文也此山舊作又東四百里

又東三百八十里曰禺橐之山多怪獸多大蛇

柜山東南也禺橐之山在工布札木達城南噶克布河

在東象禺狒狒也工布河象所持空橐也此山舊作又東五百八十里

又東二百八十里曰南禺之山其上多金玉其下多水有

穴焉水出輒入夏乃出冬則閉佐水出焉而東南流注于

海有鳳皇鷓舊作又東五百八十里

也山在工布河西岸之撒皮塘塔拉南禺水形象禺而在南

衛藏以東諸水皆發源東南流折而南皆象禺蒙戎被



髮狀雅龍最北工布最南故曰南禺塔拉泉眼甚多故  
曰多水水出輒入卽謂夏出冬閉也佐水卽工布河入  
海處未詳然經言東南疑下流經獐獐界爲雲南之檳  
榔江而其東南之綽多穆河則爲雲南之龍川江竝南  
至暹羅入海也佐者檳榔江會騰越州之雲龍江象左  
手也以下游納稱與中經之雒水同  
鳩鷓鳳屬黃色

凡南次二經之首自柎山舊誤作三經之  
首自天虞之山以至南禺之山  
凡一十四山四千七百三十里依舊文止十三山  
五千七百三十里其神皆  
龍身而人面其祠皆一魚狗祈糈用稌

祈本從久古跂字謂縣而跂其足也近頤箴等字竝从  
久爲義不从斤  
與祈禱字从斤不同

南次三經之首曰天虞之山其下多水不可以上

此經所志自今九江廬山以東南閩浙諸山也天虞卽  
廬山爲三天子都之一東有七十二水多瀑布峰磴險  
峻人踈罕及故曰不可以上

又東二百四十里舊作三百  
四十里曰堯光之山其陽多玉其陰  
多金太平御覽八百十三卷引  
作克光之山其陰多鐵有獸焉其狀如人而彘鬣  
穴居而冬蟄其名曰狷褻御覽九百十三  
卷引作禱褻其音如斲木見

則縣有大絲

或曰其縣是亂郝云藏經作其縣亂無是字

此以下舊竝誤在南次二經堯光之山在今池州建德縣西南香口河所出也東北有堯城鎮蓋取山為名裏裏通此經本作罕从目从丰匠人相擇積材也猾罕斲難入如犬噬骨也以其音名

又東七百里

舊作四百里

曰虓勺之山

文選注阮籍詠懷詩引作雩夕之山誤

其

上多梓枏其下多荆杞滂水出焉而東流注于海

此山舊次海山

後之

虓勺之山今仙霞嶺虓虎食獸作聲也勺爪之也虓勺

之水象之故山受其名即今文溪水矣又名滂水滂者大風吹雨旁濺也水東北會金溪水為衢港又東會發港為蘭溪又北會徽港為富春江又東北受西湖水為錢唐江又東北入海枏被粘也从井古髡字荆楚也今俗名荆剛藤本艸謂之蔓荆古人以為楚焯及扑刑也又東三百五十里曰羽山其下多水其上多雨無艸木多

蝮虫

此山舊次堯光之後

羽山在閩福甯府壽甯縣北俗呼嶺頭三水南下合流

注海如羽

又東四百里曰句餘之山無艸木多金玉

此山舊次瞿父之後

句餘之山閩海兩磯岸也在福州羅源縣東其北似句其南似餘餘食已而噍也兩磯內有大澳東西長百里南北廣六十里即羽山水所注矣

又東五百里曰成山四方而三壇其上多金玉其下多青

隳闕水出焉

舊譌作闕音涿玉篇譌作闕音式旨切

而南流注于虜勺

或作多誤

其中多黃金

此山舊次浮玉之後

堯光東南也成山今衢州開化縣北之馬金嶺三壇三成也闕古閑字閑水金谿水也闕廡門也防馬外逸每

啓輒闕之義雲章作闕从門从古文翰若鳥習飛翼張

輒翁也金谿水南流而東虜勺自西南反曲流來會之

象閑門故曰閑

又東百七十里曰瞿父之山無艸木多金玉

此山舊次羽山之後百七

十里作三百七十里

衢州之西閑水會也瞿左右顧也義見二經衢州名起此

又東五百里曰會稽之山四方其上多金玉其下多硃石

句水出焉

舊誤作勺

而南流注于溟

此山舊次成山之後

會稽今大盆山在金華府東陽縣東與今紹興山陰之  
會稽相去百數十里荆浦諸水西流象會計者舒掌屈  
指之形會算也稽屈也越絕以為禹到大越上茅山大  
會計更名茅山曰會稽誤矣竝南有千丈嶺西北發為  
荆浦溪又西流會東陽江為婺港注滂水嶺少西南亦  
曰大盆山東北發為大溪即句水經天台縣城南而南  
折注于渙水

又東五百里曰夷山無艸木多沙石渙一作水出焉而南  
流注于列塗

亦瞿父東也句源之北當荆浦溪之南岸是為夷山有  
馬嶺溪水實渙北源南流會西源之永安溪而東象人  
裸仰故曰夷夷从大器也从弓蛇屈首也裸仰之形也  
凡夷尸夷狄夷平夷傷夷矛辛夷及他偏  
倚从夷之字又東南會南源之永甯江總名為渙渙从  
義並取此 吳猶猿也犬欲卧畏視地也吳古音歸凡規鴉諸水合  
形似之永甯為首又東注海梅嶽南是為列塗諸小水  
比次多塗也今海口東北有橋名塗下也

又東五百里曰咸陰之山無艸木無水  
亦瞿父東也咸陰之山即嵯縣西北龍華山在咸水之

陰也咸水今雙橋溪西流入浦陽江而北注滂水也

又東四百里曰洵山一作旬其陽多金其陰多玉有獸焉其

狀如羊而無口不可殺也其名曰獫狁水出焉而南流注

于闐之澤其中多芘羸此近刻譌作芘

成山東也洵山處州宣平縣東北俞源山也洵水甌江

水也自源西南流至宣平縣南合兩水又東南至府治

南合兩水又至青田縣西北合兩水合處皆成十字故

謂之洵从旬十日也漢陽之洵亦以源處成十字也洵

水又東南經温州治屈而東北注海海口有大門小門

二山前即黃大畧畧之北即玉環山大池所謂闔澤闔

者鷓在門中為人所掩迫不得出也从焉即鷓字俗譌

从鳥鷓今謂之畫眉鳥也不可殺言難死

又東三百里曰區吳之山三百舊作五百上無艸木多金石澤夏

之水出焉而南流注于滂水水有獸焉名曰蠱雕蠱或作纂其

狀如雕而有角其音如嬰兒之音是食人自上無艸木以下舊誤在鹿吳

之山下此山舊次序勺之後

堯光東也環歛休甯績谿三縣皆區吳而澤夏所出之

黃山為之首吳虞同猶微也三吳二在陸一在海皆古

之南徼也澤夏水卽徼港夏木燧也澤摩也篆作雪从

事凡更變更習水東南至嚴州淳安縣西折向東流六

十餘里至縣城南而南折有武強溪水出其東折處之

西南東流少南左受二水環曲而北注之象執燧仰其

掌故曰澤夏其水又東至府治南東注滂水也

又東三百五十里舊作五百里曰鹿吳之山無艸木多沙石鹿

水出焉而南流注于滂水無艸木四句舊誤

西天目山以西南北與大江分水西與區吳分水皆鹿

吳也山在杭州於潛縣北其水曰桐溪水凡合十一源

南注滂水其形肖鹿

又東五十里舊作五百里曰浮玉之山北望具區東望諸毗有

獸焉其狀如虎而牛尾其音如吠犬其名曰彘是食人菘

水出于其陰北流注于具區其中多鯢魚此山舊次句餘之後

浮玉中天目山也具區震澤海內東經謂之雷澤在吳

西今湖中有大小兩雷山也諸毗義見二經此謂杭之

西湖也菘溪水北流至安吉縣東北分爲兩十數里復

折而合又至長興縣東再分復合形類陵菘之郭故名

陵菘者連菘也張機傷寒論作連韜本艸誤作連翹本

作芳从召者以別于葦醜芳也刀判舟也合之為方舟  
子招人為召陵苕之郭如刀舟之連而坼散陵亂故得  
諸名爾雅所云連異  
翹乃黃連非陵苕也  
華黃可愛故詩云苕之華芸其黃  
矣者也  
言如芸華之  
黃芸臺也  
黃魚狹薄而長頭一名鱣蔑視不

審也此指之也一名鯨似列葉也列者葦也  
晉姜鼎作  
淞碧落碑

作訥並象束葦  
形从刀芳也 一名魴並言狹薄也一名禺魚言長頭

也周書云揚州以禺魚禺魚名魴隄冠  
今周書脫上禺  
字魴譌作解

禺義見首經隄冠長冠也閩面長亦曰隄冠是也

又東五百五十里  
舊作五百里 曰漆吳之山無艸木多博石無

玉處于海東望丘山  
東舊在海上  
今從或本 其光載出載入是惟日

次

漆吳尾捲如漆今鎮海東金塘山也博石石可為博碁

丘山舟山也

凡南次三經之首自天虞之山  
舊誤作二經  
之首自柜山 至于漆吳之

山凡十五山  
舊作十七山以  
互移增二山也 五千五百一十里  
舊作七千  
二百里依

各經數之為七千二百  
一十里計淨千二百里 其神狀皆龍身而鳥首其祠毛用

一壁瘞糈用稌

右南經之山志  
郝云篇末此語蓋校書者  
所題故舊本皆亞於經 大小凡四十

山萬三千三百九十里  
舊作萬六千  
三百八十里

五藏山經傳卷第二

西山經

彭縣呂調陽述

西山經華山之首曰錢耒之山耒舊譌作來下同其上多松其下多洗石有獸焉其狀如羊而馬尾名曰羴羊其脂可以已瘡

此與二三經所志河華以西諸山也錢耒山在河南闕鄉縣西南轆轤關宏農河首也耒犁轅也錢耜金也宏農兩源合東流環曲而北注河象縣犁冒金於耒故曰錢耒濯足謂之洗洗石今名華藥石出華陝諸山中屑



之可治足縫出水故名非忝坵坵之謂也臧芋山驢也似麤芋而馬尾爾雅芋六尺爲臧臧言好陟也賸馘通西四十五里曰松果之山文選注長楊賦引作松梁漢水出焉北流注于渭其中多銅有鳥焉其名曰鳩渠其狀如山雞黑身赤足可以已膠

漢義詳南次二經青牂漢水蒲谷水也鳩音融字亦作鷓鴣渠疑卽水雞好在深水田畔見人輒跌入水色似黑雄雞與雝渠之似脊令者不同

又西六十里曰大華之山削成而四方其高五千仞其廣

十里鳥獸莫居有蛇焉名曰肥蠶六足四翼見則天下大旱

華古音莠大華山上大下小自東望之若華狀八尺曰仞此經每仞得今五尺五千仞得今二千五百丈也古謂蚺蛇爲巴其肉曰肥用以相遺故凡大蛇及鳥之美者皆曰肥遺

又西六十里舊作八十里

曰小華之山其木多荆杞其獸多牝

牛其陰多磬石其陽多瓊琤之玉鳥多赤鷩可以禦火其艸有蓐荔狀如烏韭而生于石上此下舊衍亦緣木而生五字疑係注文食

之已心痛

昨義未詳注云今華陰山中多山牛山羊肉皆千斤音  
昨疑卽竹牛也角似犀角而無粟紋其理似竹製弓極  
勁瑋琇生野獸及牛馬腹中多至升許大者如雞子其  
狀白色似石非石似骨非骨盂水浸弄之可致兩赤驚  
鳴雉也似鸛而小其冠亦小背有黃赤文腹下赤綠項  
紅觜利距善鬪照水卽舞多眩仆死葶荔一作薜荔俗  
名馬薤又名旱蒲葉似蒲而小堅厚長二尺許可爲蓑  
根多而長有力可作屨以三月開紫碧花五月結實作

角子大如鳧實而赤有棱楚辭披薜荔兮帶女蘿又云

貫薜荔之落葉爾雅薜牡菡是也

今爾雅菡

烏韭麥門

冬也名醫別錄云荔實止心煩滿

荔从荔眾力也說文作荔从刀譌也

又西五十里

舊作五十二里

曰竹山其上多喬木其陰多鐵有艸

焉其名曰黃藿其狀如樗其葉如麻白華而赤實其狀如  
緒浴之已疥又可以已肘竹水出焉北流注于渭

竹山在今渭南縣東南四十里俗名箭谷嶺黃藿卽黃  
環蜀人名爲株藤根皮黃色橫紋成環巨蔓如株穉狀  
似樗葉排比似麻三月作華色狀皆如籬豆華而微紫

作莢大如阜莢而皮有茸不澤實名狼跋子扁而紫赤  
正如赭狀主惡瘡蝸疥殺蟲魚根治痰嗽消水腫也經  
言白華或華色非一耳竹水俗名赤水

又西百四十里舊作百二十里曰浮山多盼木枳葉而無傷木蟲

居之有艸焉名曰薰艸麻葉而方莖赤華而黑實臭如薜

蕪佩之可以已癘嚙水出焉舊作躡藝文類聚北流注

于湯水其陽多竹箭多蒼玉丹水出焉東南流注于漢水

舊誤作洛水其中多水玉多人魚有獸焉其狀如豚而白毛毛

大如筴而黑端舊無下毛字从文選長楊賦注及初學記二十九卷所引增名曰豪彘

嚙水二句舊錯簡在蟠冢之山漢水注江之下其陽多竹箭十句舊在上條竹水注渭之下今按地圖訂正

浮山在藍田縣南牧護關灞水所出即秦嶺北麓也灞

水即嚙水也嶺之正南曰紅嶺若為今甲河所出東南

會色河注漢水即丹水也若南有采玉窟即此經云多

蒼玉也灞水北歷鞏川西北會澹水又西北會狗加川

水狗加川即下經之家水北納溫水合灞溫水即湯水

也湯嚙二水象人游水之形又象敗屈者跪而有言之

狀故山得浮名而水納嚙之稱丹水舊皆指為冢嶺山

水不知彼實商水也薰香艸可熏古作熏薜蕪當歸苗

也音或轉爲文無癩古癩字豆瘡也人魚鮓也似鮓而  
四足足如人手聲似小兒能搯殺蛇生溪澗中豪蕪肆  
也古作委又作琴又作茲繡譌作繡繡此經後半散脫校書者不識地望  
隨意附在他條又訛漢水爲洛水故因不可通也

又西百五十里曰時山無艸木家水出焉家舊北流注于  
渭其中多水玉

時山即太乙山今名大嶺狗加川水出其東即家水也  
郝氏云下文大時之山廣韻引作太時則此時山疑亦  
當爲時山也案時古作時从⊗圍壇若⊗也从岑積柴  
燔之也岑燒燭也通作時時積義本此家

从豸省牡豕也  
狗加川水象之

又西百五十里舊作百曰南山上多丹粟丹水出焉北流

注于渭獸多猛豹鳥多尸鳩鳩或作尸



南山在興平縣南秦嶺自西東走羣支曲折散出唯此  
山正南行二百里訖于甯陝故獨受南稱赤水出于其  
西即丹水也

又西七十里曰隄次之山次音澁漆水出焉北流注于渭

其上多棫樞其下多竹箭其陰多赤銅其陽多嬰瑄之玉  
有獸焉其狀如禺而長臂善投其名曰嬰舊作有鳥焉其

狀如鼻人面而一足曰橐韋冬見夏蟄服之不畏雷橐廣韻引

作蠹

山在盤屋縣南有黑水三泉奇發言歸一瀆西北合就水入渭即漆水也山之西北即盤屋河象踰此水為其次也嬰珣之玉亦作嬰珣之玉即今白石英也嬰幼女項飾也珣幼子項飾也珣古文作即古乳字豆之豆以形似乳也菽豆之豆以汁似乳也石英之端似乳也亦名璣从古母字也今文珣或譌短亦譌垣又譌埋其作珣者譌珣又譌根而說文竟有珣字云石之似玉者玉篇引張揖

埤蒼竟作瓊珣云石似玉也竝旨說矣踰嚶之譌

又西八十里曰符禺之山其陽多銅其陰多鐵其上有木焉名曰文莖其實如棗可以已聾其艸多條其狀如葵而亦華黃實如嬰兒舌食之使人不惑符禺之水出焉而北

流注于渭其獸多蔥鷩其狀如羊而赤鬣其鳥多鵙廣韻作鵙

御覽亦引此作鵙其狀如翠而赤喙可以禦火

禺性憨愚遇者以筒竹授之則持而笑笑則脣自蔽其面因得脫走此符禺山水之所取象也水在今郿縣西南曰蒼龍谷北流少東至縣西入渭其西南有斜谷水

卽禺水北流左受桃川水卽灌水東北分二支一東北入渭一東絕符禺合桐谷水而北注渭卽招水桐谷三源象招形合眾流視之禺灌二水象禺招水象人其東灌象手符禺則象竹也文莖本艸名山茱萸一名蜀酸棗別錄云生漢中山谷一名魁實主耳聾也

又西十七里舊作七十里曰英山其上多柎樞其陰多鐵其陽多赤金禺水出焉北流注于招水其中多鮮魚其狀如鼈其音如羊其陽多箭籟其獸多牝牛羝羊有鳥焉其狀如鷓黃身而赤喙其名曰肥遺食之已癘可以殺蟲

籟竹一名箭南山人以作箸筍冬生地中掘食之美禺水見前

又西二十五里舊作六十里曰石脆之山藝文類聚八十九卷兩引此皆無石字

其木多椶栲其艸多條其狀如韭而白華黑實食之已疥其陽多瑇瑁之玉其陰多銅灌水出焉而北流注于禺水其中有流赭以塗牛馬無病馬或作角

灌水見前灌謂相灌注條本艸拾遺謂之金鐙嘉祐本艸謂之山慈姑春汁酒飲主癰疽疔腫也

又西百三十里舊作百八十里曰大時之山廣韻引作太時上多穀柞下

多杻樞陰多銀陽多白玉清水出焉清舊作涪北流注于涇涪

水出焉南流注于漢水

山在寶雞益門鎮之正南當煎茶坪之東南煎茶坪即宋時之和

尚原為秦嶺之首其北清水河所出南即褒水西次二源

所出也褒水四源平列相公各二十餘里或三十里竝

南流而合如人豎指之狀故謂之涪涪从岑山小而高

象人豎指也今者數日屈伸其指也故凡从今之字若

屈指為義衾岑涪吟等竝取豎指為義

西南三百八十里舊作又西三百二十里曰嶓冢之山漢水出焉而

東南流注于江舊譌作注于沔水經注及藝文類聚引此

流注于湯水二句係前浮山下脫文今改正其上多桃枝鉤端獸多犀兕熊罷

烏多白翰赤鷺有艸焉其葉如車前舊作如蕙其本如桔椶黑

華而不實名曰薜蓉舊譌作薜蓉食之使人無子

薜蓉今玉簪花也華似足臚而中空故名新根生則舊

根腐故云如桔椶黑華謂紫花者也

又西三百二十里舊作西南三百八十里曰臯塗之山史記索隱引作鼻塗薜

水出焉舊作薜或作薜西流注于諸資之水塗水出焉南

流注于集蕪之水舊作集蕪其陽多丹粟其陰多銀黃金其上

多桂木有白石焉其名曰礬可以毒鼠有艸焉其狀如橐  
芟其葉如葵而赤背名曰無條可以毒鼠有獸焉其狀如  
鹿而白尾馬足人手而四角手史記索隱引作首名曰攬如廣雅作  
記索隱引此作攬有鳥焉其狀如鴟而人足名曰數斯食  
之已瘦

大時西北也臯塗之山在今秦州清水縣北隴城關其  
北馬落川所出西流注苦水河南則長家川所出西南

注集翅河竝南入渭臯塗下多泥塗也

澤淖謂之臯古  
文作臯从水从

臯謂行淖  
中氣味也

北次三經有臯塗之水水旁今為淖泥驛是

也養古通茨水形狀疾藜蔓也諸資亦當作諸資集萑  
鷲鳥下集也集翅河合東南諸水西南流而南入渭厥  
狀肖之無條今何首烏毒鼠之說未聞攬如以手名數  
斯以足名也音促數

又西三百五十里曰天帶之山

帶舊作帝與中次十  
一經倚帝之山誤同

上多

椶柎下多菅蕙有獸焉其狀如狗名曰谿鬲

舊作

席其皮

者不盡有鳥焉其狀如鵠黑文而赤翁名曰櫟食之已痔  
有艸焉其狀如葵其臭如薜蕪名曰杜衡可以走馬食之  
已瘦



天帶之山在固原州西踞苦水河首水兩源南流若倒帶故名菅茅屬可為索蜀人名索艸菅蕙竝稱益知蕙非薰葉也谿鬻貉也鬻古眠字从荷古次字亦即廁溷字从目从口亦聲通作瞞凡邊遠榻枕翁鳥頸毛也櫟當作鸚同鸚杜衡葉似簫豆義並取此馬蹄故可令馬健走今藥肆以其根偽細辛名為馬蹄細辛也瘦頸瘤也

又西百八十里曰黃山無艸木多竹箭勞水出焉勞近刻音美目盼兮之盼郝云郭既音盼知經文必不作盼也然郭音亦強生分別今據水形改定仍讀同紛注于赤水其中多玉有獸焉其狀如牛而蒼黑大目其名

曰犛有鳥焉其狀如鴉青羽亦喙人舌能言名鸚鵡

黃山蘭州靖遠縣東百七十里之沙石原也其南曰屈吳山有水西北流會東來之大觜口水又西北注紅嶺堡水即赤水堡在會口之北少東水出其東南流有一水源特遠自紅井子之東北西南流經井北又西注紅嶺水而西南與屈吳山水會合諸水形象分麻開其指故謂之勞水也勞从棘音績不從林也犛音同每周書云數楚每牛每牛者牛之小者也序數楚於犬戎匈奴之間當即在此地矣

又西六百里舊作二百里曰翠山其上多椶栚其下多竹箭其

陽多黃金玉畢氏本無金字其陰多旄牛麀麇其鳥多鸚舊作鸚今从玉

篇其狀如鶴赤黑而兩首四足可以禦火

翠同雋鳥尾也翠山在鎮羌營西北古城土司地莊浪

河出其南東流循長城而東南而南注黃河古浪河出

其北東流循長城而東北出塞緒為白海兩源形似鳥

翠故山受其名鸚从疊蓋兩首相重也

又西百五十里舊作二百五十里曰隗山是鎡于西海無艸木多

玉舊作淩今从或作水出焉西流注于海其中多采石黃金多

丹粟

馬人立謂之隗經中名隗山者四皆水形象馬人立隗山自大通河以西

大通河即浩壘水湟水以東皆是也其山本自河源之巴顏哈

喇山分支歷青海北而來其支峯南出為海中之二山

曰察漢峯曰魁孫拖羅海然自東溯之則自兩水會口

而西北而西而南達于海中故曰鎡于西海鎡者屈注

之義也古謂滑稽為溜于滑稽今俗名過江龍溜沃也于曲也其和鼓之

器縣而沃水亦以滑稽出其水因亦曰鎡于也湟水哈

爾濟河也出東北山西南流八十餘里注之湟水出其

東象手形故是水曰浚也

凡西經之首自錢耒之山舊作來至于驪山凡十九山二千

九百五十七里舊文得二千九百一十七里華山冢也其祠之禮太牢

瑜山神也祠之用燭齊百日以白犧瘞用白瑜白舊並作百湯

其酒百樽嬰以白珪白璧白舊作百其餘十七山之屬皆毛牲

用一芊祠之燭者百艸之未灰白蓆采等純之席藏經本作席

嬰謂縣之郝氏云言神與冢者冢尊於神爾雅釋詁云

冢大也釋山云山頂冢是其義也采等者聘禮云藻三

采六等等訓就也采一而為一就

西次二經之首曰鈴山或作冷又作塗並非其上多銅其下多玉其

木多柎樞

戶屈戌謂之鈴鈴山在今鄜州西張村驛有清水河出

西北百里合兩大源東南流經驛北而南注洛水狀屈

戌形故名

西二百里曰秦冒之山舊作秦從或作初學記亦引作秦其陽多金其陰

多鐵洛水出焉洛舊譌作浴郝云初學記六卷及太平御覽六十二卷俱引此經作洛水又晉灼引

水經洛水云出上郡雕陰秦冒山過華陰入渭是此經洛水即洛水審矣東流注于河其中多

藻玉藻或作東多白蛇

秦冒洛南源所出也秦辛之異文

詳中山經 景山注

冒其蒂也

洛源北流會豹子川似之郭云藻玉玉有符采者或作

東音練白蛇水蛇

又西一百七十里曰數厯之山其上多黃金其下多銀其

木多柎樞其鳥多鸚鵡楚水出焉而南流注于渭其中多

白珠

鈴山西南也數厯子午山南分水嶺也自嶺而南其西

注涇諸川四源均列象積禾故曰數厯厯者數積禾也

其川即程水矣

程者數積 仰其首也

楚當作澁即沮水爾雅水白

濟出為沮字亦作澁是也凡水沮洳及不常流者通名

沮也

又西百五十里曰高山

舊無曰字 藏經本有

其上多銀其下多青碧

雄黃

碧字 疑衍

其木多椶其艸多竹涇水出焉而東流注于渭

其中多磬石

高山在邠州北四十餘里今日撫琴山煖泉所發涇水

近源也涇逕也過也凡溯涇者自渭直西北得煖泉水

其正流乃在西又循流直西北得楊晉水正流乃在東

更北行而西北凡三百餘里入水溝門更東北十數里

入紅德川又改由耿家河直北百六十餘里盡于三山  
堡又改東北十數里得天池乃正源每進輒過故是水  
旁源通可名涇水詩曰邈其過澗是也古人所謂涇澗  
不近人情義取諸此也涇澗通 作涇庭青雄黃今名硫黃  
西南三百里曰女牀之山其陽多赤銅其陰多石涅其獸  
多虎豹犀兕有鳥焉其狀如翟而五采文翟或作 鸛通鸛名曰鸞  
鳥見則天下安甯

女牀之山在鳳翔府西雍水所枕也名醫別錄云黑石  
脂一名石墨一名石涅李時珍云南人謂之畫眉石也

然則石涅與礬石之名涅石者非一物矣

本吳氏 廣注

翟謂

搖翟爾雅云江淮而南青質五采皆備成章曰鸛

又西二百里曰龍首之山其陽多黃金其陰多鐵召水出

焉

召舊作茗初學記及太平御覽引作茗並譌

而東流注于涇水

舊譌作 東南流

其中

多美玉

龍首之山在今隴州西北白岩鋪之北所謂隴頭也其  
北柳家河出焉東流右合二源象手招之形故曰召水  
召者舟子招人也義見前 一名泃水又東而東北而東南會楊晉水  
注涇其北曲處名芮隄也隄象尻也詩作鞠並音仇水 南有上良鎮古召伯之邑也

又西二百里曰鹿臺之山其上多白玉其下多銀其獸多  
牝牛羶芋白豪有鳥焉其狀如雄雞而人面名曰鳧後其  
鳴自叫也見則有兵

鹿臺山在靜甯州東曹務鎮鎮北有好水河東自隆德  
縣合四源西南流象鹿首角鎮西一水西流入之象鹿  
之陰故曰鹿臺臺古文作臺从嘉省从至指事爾雅臺  
夫須其實象陰形也艾冰臺冰照日而  
液也左傳僕臣臺至賤之稱也元冥生允格臺駘允格  
痿不任也臺駘馬善陟也驟馬謂之駘又秦頭之山後  
世名五臺鳳鳥之精淪入地中凝為白石醫家名今沁  
鳳皇臺義並同此至臺觀之臺則以人所陟升耳今沁  
水縣南桑林河所出之山今名析城山古名鹿臺山取象與

此同也白豪即豪彘也後待也舒鳧無匹者待雄雞而  
交因以名此鳥

西北二百里舊譌作西南曰鳥危之山其陽多磬石其陰多檀  
楮其中多它它舊作女篆形也與相近而譌牀鳥危之水出焉西流注于  
赤水其中多丹粟

屈吳山之東南四十里許為道安古城有三水合西流  
象鳥翼西會玉河又西北注消河即首經勞水所注之  
赤水也翼謂之危者張若人升危也三危危水義並同是山南  
接大山即虎尾之山山西南有水今名響水水北岸有

開店卽此經云多磬石也它同蛇

又西二百三十里舊作四百里曰小次之山其上多白玉其下

多赤銅有獸焉其狀如猿而白首赤足名曰朱厭見則大

兵一作見則有兵起焉一作見則為兵郝云北堂書鈔一百十三卷太平御覽三百二十九卷並引作見則有兵

次同束古文作小象形又作尙以棘為藩溷也亞次次舍義本此小次今溫泉山也

朱厭圓首而白似喪冠也朱義見南次二經柜山

又西二百里舊作三百里曰大次之山其陽多堊其陰多碧其

獸多牝牛麋羊

大次在今渭源縣北石井所竝以水形得名

又西四百里曰薰吳之山無艸木多金玉

薰炙手也古作熏吳音虞譁也山在今且隆城以西其

南洮陽諸水象火熾其北大夏諸源象炙手也水經注

云自洮強南北三百里中地艸徧是龍鬚而無樵柴

又西四百里曰底陽之山其木多櫟柎豫章櫟舊作櫻郭音卽非也此

是便譌為更因譌其獸多犀兕虎豹或曰當作豹牝牛

底同砥古作解从自卽古文石篆省从了砥陽砥水之陽也砥水在河

曲北岸今大哈柳圖河也導源小圖爾根山東流南折

而西受北來二小水又西南屈曲西入河水道提綱以為似篆文月

字巖圖二小水皆自西橫入非也其形似砥刃之狀砥陽之山蓋即古

爾板圖爾哈山碩爾渾河所出也榷可為木燧即豫章之香者豹鼯犬也鼯身狸首能飛食虎豹蜀人名黃腰狸

又西二百五十里曰眾獸之山其上多瑇瑁之玉其下多檀楮多黃金其獸多犀兕

熏吳西北也今為阿穆尼達爾嘉山在西甯府南二百里

又西五百里曰皇人之山其上多金玉其下多青雄黃皇

水出焉東流注于赤水舊作西流其中多丹粟

皇古文作塗同煌即今之石流黃此經所謂青雄黃也

皇人之山今名喀爾藏嶺蒙古語喀爾火也明志謂之

熱水山在青海東北凡天下溫泉所出皆煌之氣也皇

水即湟水赤水即浩疊河今名大通河其上源曰烏蘭木倫蒙古語烏蘭赤也木倫川也

又西三百里曰中皇之山其上多黃金其下多蕙棠蕙或作羔

山在大通河北岸直肅州東南三百里阿木尼岡喀爾山之脊也蓋亦以生煌得名蕙棠棠實如蕙根也



又西三百五十里曰西皇之山其陽多金其陰多鐵其獸多麋鹿牝牛

山在今嘉峪關東五十餘里俗呼硫磺山

西南三百六十里曰崦嵫之山其上多丹木其葉如穀其實人如瓜赤符而黑理食之已瘳可以禦火其陽多龜其陰多玉苕水出焉或作若非而西流注于海其中多砥礪有獸

焉其狀馬身而鳥翼人面蛇尾是好舉人名曰孰湖有鳥焉其狀如鴉而人面雌身犬尾其名自號也或作設郭云設亦呼耳疑

此脫見則其邑大旱此山舊誤在三經之後

崦嵫今玉門縣南昌馬山也

縣在嘉峪關外百三十里關即漢玉關今縣即漢冥

安縣地以冥澤得名也其隋唐之玉門縣在今治東八十里火燒溝地方昌馬河出其北分

流數十里復合象陵苕故曰苕水苕義見南次三經玉山楚辭注

引禹大傳謂之消盤水漢志名籍端水也又北流分一

支北入華海子漢志謂之冥澤今本譌作其澤應劭以為冥水

出北入冥澤也崦嵫峻高日景易夕故曰冥古昔相傳

以為日所入也一支西北流又北分二支夾縣東西而

北復合又北折而西左會蘇勒河及諸小水名為弱水

弱者象鶩雁腹毳也又象覆茲故以奄茲名山葍謂之

茲也又西凡六百餘里注哈拉淖爾即此經所云海禹

貢之合黎澤哈拉蒙古語黑也淖爾池也水經以合黎

為山名以刪丹水為弱水繆矣又禹貢所謂餘波即今洮賴河出昌馬源之南

東北經肅州出塞合山丹水分注兩居延海所謂入于流沙也丹木蓋今樺木符皮上

小文也皮煮汁治諸黃瘰又堪為燭禦火與赤鷲義同

凡西次二經之首自鈴山至于崦嵫之山舊誤作至于萊山與三經互倒

凡十七山四千四百一十里舊作四千一百四十里依經文乃得四千六百七十里皆

誤其十神者皆人面而馬身其七神皆人面牛身四足而一臂操杖以行是為飛獸之神其祠之毛用少牢白菅為

席其十輩神者其祠之毛一雄雞鈴而不精毛采

鈴廉之反屈其首如屈戍也

西次三經之首舊作四經之首古文二三三字皆積畫故易誤曰陰山上多穀無

石其艸多茆蕃陰水出焉西流注于洛

陰山以陰水名今澄城縣西南撈鈴泉也其北亦有甘

泉與雕陰之甘泉同名漢上郡彫陰縣即今甘泉縣故舊說或指彫

山為陰山矣茆大藻生流泉中長四五尺於文從卯即

古髦字也卯古作卯象垂髦耳前之形易柳等義並取此至十二辰之卯其數十於河圖居五兩側

象髦也蕃通作蘋青蘋也似莎而大蕃从番莖端三葉承穗似獸蹄也煩古作

輿从乎亦  
古文番

北五十里舊譌曰罷谷之山舊作罷父玉篇  
廣韻並作罷谷洱水出焉而

西流注于洛其中多此碧此山舊次  
勞山之後

罷勞竝言艱行也山在澄城東北其水曰大谷河即洱

水也南流西注洛形如珥此碧此石碧石也

西三十里舊譌作北曰勞山多此艸弱水出焉而西流注

于洛此山舊在  
罷谷之前

弱同溺鶯雁腹毳恆溼故  
澠水即甘泉西南流會陰水

注洛

北百七十里曰申山其上多穀柞其下多柎榿其陽多金

玉區水出焉而東流注于河

申山在洛川縣東五十里有丹陽水東流又東北右合

朱砂嶺水兩川若垂紳之屬故名申古文作  
紳字象并紐形又東

北銀川水合眾流自西北來會總名曰區水也與區吳  
義同

北二百里曰烏山其上多桑其下多楮其陰多鐵其陽多

玉廬水出焉而東流注于河

甘泉縣東北有野豬歧泉水西有甘泉水東有準利川

水交會于洛象飛鳥形烏山即野豬歧山也濁筋河出

其東北北會延水東流注河卽屮水也屮篆作屮古文作屮音休卽屮字與蓋進義別易曰或承之屮

又北百二十里曰上申之山上無艸木而多硤石下多榛楛獸多白鹿其鳥多當扈或作戶非其狀如雉以其髯飛食之不眴目湯水出焉東流注于河

申山北也上申與天帶義同銀川兩源所發卽湯水也硤石堅不可刻楛形似荆而赤莖似著可爲矢當扈鷓雞也似雉黃黑色性猛毅鬪死不置飛則張其頸毛故曰以髯飛不眴目所謂不目逃本艸拾遺云鷓雞炙食

令人勇健

又北百八十里曰諸次之山諸次之水出焉而東流注于河是山也多木無艸鳥獸莫居是多象蛇舊作眾蛇水經注引作象蛇象占作眾故易譌其作象者乃想像字也

延安府北神木山也有雷公川東南合潘陵川南入延水而東注河卽諸次水山之西卽大虫嶺所謂多象蛇也象蛇巴蛇也

又北百八十里曰號山其木多棗椶其艸多葍藟芎藭多泠石湍水出焉湍舊作端而東流注于河

湍水今秀延河出安定縣西北之灌清谷即號山號湍  
注聲也葑白芷別名根有紋如約又如趾踵當歸也  
其葉謂之靡蕪亦曰文無芎藭左傳謂之山鞠窮泠泥  
也泠石滑石也初出柔而如泥

又北三百二十里

舊作二百二十里

曰孟山

孟或作明舊譌孟御覽九百九卷引作孟

其陰多鐵其陽多銅其獸多白狼白虎其鳥多白雉白翠

翠舊作翟今從或作

生水出焉而東流注于河

他克拉布河出榆林府西六十里南流右受二水其西  
北又有哈柳圖河亦南流右受三水竝注西拉烏蘇東

南入河兩水竝象艸茁之形故曰生水其下流即無定  
河水經注謂之奢延水也

西二百五十里曰白於之山上多松柏下多櫟檀其獸多  
牝牛羶羊其鳥多鴉洛水出于其陽而東流注于潯夾水  
出于其陰東流注于生水

號山西也洛正源所出也人寐目上反謂之白白於洛

源諸水象死鳥仰臥也洛本作雒

从佳从各鳥被啄反走也伊洛絲洛及此

水皆取象于雒唯下文北流注河之洛水乃湮洛字耳

水又象鳥被啄仰地急鳴

也源自山西南流十數里會西北一源象張喙急鳴之形又東南分爲二流十餘里復合東受北來一水象

目及胡 二經言注河此言注渭水盛則溢于渭也夾水

頭之形 卽紅柳河北經靖邊縣西出塞又東北會額圖渾河東

入塞至懷遠縣西又北出塞注生水

西北三十里 舊作三百里 曰由首之山 舊作申首郝云藝文類聚二卷御覽十二卷並

引此經 無艸木冬夏有雪由水出于其上潛于其下 舊作申水

是多白玉

由首由水之首也今水名把都河北流出塞瀦爲通哈

拉克池所謂出于其上潛于其下也墨室之穴謂之山

繩之所自出也此池及水形似之把都一作巴圖蒙書

語堅實也言地剛鹵故無艸木

又西百五十里 舊作五十五里 曰涇谷之山 或無之山二字 涇水出焉東

南流注于渭 初學記引此 是多白金白玉

山在定邊縣南天池鋪涇水正源所發

又西百二十里曰剛山多柴木多璵璠之玉剛水出焉南

流注于渭 南舊 是多神魏 舊作魏或 其狀人面獸身一足

一手其音如欽

由首西南也山在慶陽府鐵邊城西北有鐵邊河南會

涇水東南注渭卽剛水也柴古文柰从水木液也从七

篆作𠄎象黍垂捲形也

七亦古黍字數名魏从禿即古之七取符其葉也

文積

與禿髮字从人从匕者別

拜俯如木折木也此神一足一手亦

象木折末形故謂之魏非取禿拜義也欽同吟

又西二百里至剛山之尾洛水出焉而北流注于河其中

多蠻蠻其狀鼠身而鼈首其音如吠犬

剛山之尾在今山城驛有水西北流右合二水至惠安

鹽池入清水河即洛水水經注謂之肥水有惠安堡鹽

捕通判即三水縣故城也水有肥可難故名洛洛古酪

字煮豆汁也即四經云淫水其清洛洛是也水肥亦所

在有之古名石漆今謂之石腦油三國志名猛火油也

蠻蠻獺也穴為土牀牝牡偶居如比翼鳥故受蠻蠻之

稱矣

又西三百五十里曰英提之山

舊作英鞞借字玉篇譌作莫鞞蓋鞞又作鞞因譌鞞

耳

上多黍木下多金玉鳥獸盡白澆水出焉

或作澆而北注

于陵芋之澤是多無遺之魚魚身蛇首六足其目如馬耳

食之使人不昧可以禦凶

無遺舊作丹遺穉穉字形相近而譌也从御覽九百三十九卷

改引

山在固原州南張義堡首山之北峯也

首山詳中次清十經首陽

水河數源合北流象提物屈中兩指之狀故曰英提曰  
浣英央也宛曲也其水北至惠安鹽池受洛水又北注  
河此云注陵平之澤蓋注澤而後注河也無遺言形惡  
無以遺人也魚疑卽烏鯧魚俗呼火柴頭魚亦曰烏栳  
鯧卽今白鯧書云蟬蛇頸食之治十二種水氣故曰食  
美者也醫家以烏鯧爲鯧繆矣  
之不昧謂病水目眩也

又西三百里曰中曲之山其陽多玉其陰多雄黃白玉及  
金有獸焉其狀如馬而白身黑尾一角虎牙爪音如鼓音  
爾雅注引此其名曰駮是食虎豹可以禦兵有木焉其狀  
無下音字

如棠而圓葉赤實實大如木瓜名曰櫬木食之多力

中曲今會甯縣東鴉岔山也響水河卽虎尾山水環其  
三面如筐曲故名櫬木蓋卽木瓜之皮薄而色赤黃味  
甘酸不澀者古謂之櫬懷之杖之食之皆利筋脈去溼  
痺爾雅云櫬木瓜是也櫬卽多力之謂依此經所云則  
櫬櫬乃木瓜耳

又西四百六十里舊作二百六十里曰邽山其上有獸焉其狀如

牛蝟毛名曰窮奇音如獬狗是食人濛水出焉南流注于  
泮水其中多黃貝羸魚玉篇廣韻魚身而鳥翼音如鴛鴦



見則其邑大水

邽山今甯遠西南老君山即古西傾山也濛水即西漢水東南會烏油江嘉陵江南注白水水西出岷山與大江源近番人名祥楚河即泮水也邽从跬省頃而履植似圭也五交谷水象人頃跌形也跬義同頃或讀為蒙頃誤改作頤尤誤蔽翳也山丹渭水藉水烏油白龍眾流環西漢水如人翳木間也海內水經之濛水取象同窮奇或云似虎蝟毛有翼案秦邽戎當在今甯遠縣漢置上邽於天水酈元因以今秦州水為濛以藉水一小流為泮非也又有下邽在華州又西二百二十里曰鳥鼠同穴之山其上多白虎白玉渭

水出焉而東流注于河其中多鱖魚其狀如鱗魚

或作鮪鮪動

則其邑有大兵濫水出于其西西流注于漢水多鰲魮之

魚其狀如覆銚鳥首而魚翼魚尾音如磬石之聲是生珠

鰲魮郭云如玳兩音郝云郭氏江賦文魮磬鳴以孕璆李善注引此經亦作文魮又引郭注音魮無鰲字之音是鰲魮古本作文魮也又玉篇引此經無魚翼二字江賦注引此經翼上無魚字

此以渭水遠源所出為鳥鼠同穴與禹貢違異山在今渭源縣西爾雅云鳥鼠同穴其鳥為鴝其鼠為黠郭注云黠如人家鼠而短尾鴝似鷄而小黃黑色穴入地三四尺鼠在內鳥在外此注則云鴝似燕而黃色案徐松

西域水道記云伊犁之賽喇木池旁有鳥鼠同穴鼠如常鼠鳥長尾緣身如鶴而小黎明鳥先出翱翔鼠蹲穴口顧望漸走平地鳥來集鼠背張翼以噪鼠往返馳而鳥不墜是即爾雅鷓鴣也濫郭音檻今水出石井所西北流至舊臨洮府城北西入洮即此經云漢水也漢古作澗从單譟也洮水源數池合流今名陰得爾圖塔拉蒙古語陰得爾高基也塔拉湖灘也是即从高瀉流譟譟之證矣洮者東合北岸諸水象兆坻也郝云初學記引南越志云海中有文魮魚鳥頭魚尾鳴似磬而生玉

又西五百五十里

舊作三百五十里

曰萊山其木多檀楮其鳥多

羅羅是食人

此山舊作二經之尾

即陰得爾圖塔拉山也萊艸名葉似麥實如青珠其根

醫家名麥門冬洮水眾流象之

洮源象實以東諸水象葉其南水象根也

凡西次三經

舊誤作四經

自陰山以下至于萊山

舊誤作至于崦嵫之山與

二經互倒几十九山三千八百八十里

舊作三千六百八十里依經文得三千五百八

十五里其神祠禮皆用一白雞祈糝以稻米白菅為席

西次四經之首

舊作三經

曰崇吾之山在河之南北望冢遂南

望岳之澤西望帝之搏獸之丘東望螭淵有木焉員葉而

白柎赤華而黑理其實如枳食之宜子孫有獸焉其狀如  
禺而文臂暴虎舊作豹虎聲近而譌也而善投名曰舉父或作夸父有鳥  
焉其狀如鳧而一翼一目相得乃飛名蠻蠻見則天下大  
水

此經所志今新疆烏魯木齊以西諸山也禹貢導河積  
石不言所出爾雅河出昆侖虛說者謂海都河東會蔥  
嶺河注蒲昌海為河上源所伏如此經所言則博爾圖  
河及阜康奇台之北磧中諸小池若星宿海者皆河之  
潛脈所經也崇吾阜康至濟木沙諸水導源南山北伏

沙中象崇牙也牙吾古音同並讀若予山今名布克達山也

冢遂磧北之拜塔克山也畚舟子之歌也古文作畚从言从舟幺聲

或省作彖後世誤言為岳誤或為系又分絲謠為二非也

池象兩舟相過也漢世名為悟船也搏獸之巨即烏魯

木齊準語謂格鬪曰烏魯木齊也螞淵奇臺東西小水

二十餘皆北流遇沙而伏象羣蛇也从虫从焉鸚善警

蛇也焉古作余从卜从安即鸚字鸚扈也今之畫眉鳥本艸有毗梨勒一名三

果出西域及南海諸國樹實俱似胡桃核似訶梨勒味

澀性温作漿甚熱千金方補腎鹿角丸用之疑即此經

所云宜子孫者也

周書康民以桴苡桴苡者其實如李食之宜子李臬實也字譌為李郝遂

引之以釋此經繆也

郭氏爾雅注云建平山中有獸大如狗似獮

猴黃黑色多髯鬣能舉石槌人獲類也所說即此經舉

父而以注虞迅頭因謂此獸好奮迅其頭則繆矣

爾雅之虞

乃野豕也以頭突人每前輒一二丈故云迅頭古謂之封豕又曰豕也

蠻蠻爾雅作鷓鷯

鷓鷯也并束禾謂之兼蠻兩首似蝸角也

此鳥各有一首兩足唯目

翼則一飛時唯比翼不比目也蠻从絲蝸兩角能伸縮其端圓大似絲也絲以兩竿縲也古作縲从舌即車轆

字

又西二百九十里

舊作一百九十里

曰驪山其上多玉而無石神

耆童居之其音常如鐘磬其下多積蛇

此山舊次三危之後

驪山昌吉縣南之孟克圖嶺及其西之呼圖必山也有

羅克倫河呼圖必河並北流而會又西北合南來諸水

注額彬格遜池象驪形

義見首經

故名呼圖必譯言有鬼也

耆童大荒西經作老童以為顛頊所生也音常如鐘磬

呼圖必所自名矣

西南四百里曰昆侖之丘是實惟帝之下都神陸吾司之

其神狀虎身而九尾人面而虎爪是神也司天之九部及

帝之囿時有獸焉其狀如羊而四角名曰土螻是食人有

鳥焉其狀如蠹大如鴛鴦名曰欽原原或作爰或作至也蠹鳥獸則

死蠹木則枯有鳥焉其名曰鷦鳥是司帝之百服有木焉

其狀如棠黃華赤實其味如李而無核名曰沙棠可以禦

水食之使人不溺有艸焉名曰蓂艸其狀如葵其味如蔥

食之已勞河水出焉而南流東注于無達赤水出焉而東

南流注于汜天之水泮水出焉而西北流注于醜塗之水

舊作西黑水出焉而西流于大杆是多怪鳥獸此山舊次槐江之後

爾雅三成爲昆侖丘狀如聚昆如卧輪也昆古文作眾

漚也又作昆从眾省从比大小相比大者居中小者處外也又作混通作渾凡从昆之字義並本此書曰

火炎崐岡玉石俱焚言產玉也昆侖之丘在今綏來縣

南其北爲瑪納斯河所出河中產玉黝碧而文璞大者

重數十斤禁人盜采故名瑪納斯準噶爾語瑪納巡邏

也其山名小威懷勒晶嶺一作衛和勒晶嶺蒙古語威叢林也

懷勒二數也晶蒸籠也言山多木上有二重如蒸籠即

三成之謂也其南即大威懷勒晶嶺自此以西厯庫爾

喀拉河源喀什源裕勒都斯源空吉斯源互東西數百

里之山竝蒙昆侖之號亦如今語通呼騰格里山也蒙古

語騰格河水即博爾圖河出山之東南阿爾輝山南流

東出山至托克遜軍臺而伏故曰無達

此水西域水道記誤以伏處為

源嚴圖不誤

赤水即烏蘭烏蘇河出山之西南東流經山前

三哈布齊峽之北至登努勒臺會阿爾輝西谷水又南

會三哈布齊水入裕勒都斯又東南注博斯騰淖爾即

汜天之水穆天子傳說封人于昆侖之事云南司赤水

而北守春山之寶是也泮水即空吉斯河出裕勒河源

之西在南

本使準噶爾行程記

名烏拉哈達嶺

蒙古語烏拉駝畜也又驛站也行程

記云自小裕勒都斯住大裕勒都斯八十里自此路分

兩歧取其捷者自大裕勒都斯六十里住鄂敦庫爾山口又五十里過鄂敦庫爾嶺若取其坦者自大裕勒都

斯向西南行過烏納哈達罕嶺即空吉斯河源蓋山行

以沿水為坦途也西北流至鍾山之東特克斯河自西東逕山

南來會

或云泮本特克斯之名以二流合故空吉斯被其號準語謂山羊為特克也

又西北

哈什河自東北來會即醜塗之水又名丹水又西北會

諸水凡行千五百餘里注巴勒喀什淖爾即稷澤

此河自伊犁

犁惠遠城以東西域水道記並誤以五十里作百里

穆天子傳云自春山西征三

日至赤烏氏北濟泮水是也醜塗猶列塗哈什源處盡

澤淖滑難行故得名焉哈什之東為三喀喇烏蘇即黑

水竝西北流合注喀喇塔拉額西柯淖爾即泐澤名大

杆者池形象盤杆

杆侈口如盎又象杯見海內西經

鷓鳥即鳳南方鷓

山經  
火主衣裳文繡故云司帝之百服贊同蘋今慶綏舊城  
西有土阜如甌中有池水深數丈四時不耗水生白蘋  
亭亭池面塞人謂之野蓮蓋卽此也亦中土子午蓮之  
類矣

又西三百五十里曰天山多金玉有青雄黃英水出焉而  
西南流注于湯谷有神焉其狀如黃囊赤如丹火文選注  
王融曲  
水詩序引六足四翼渾敦無面目是識歌舞實爲帝江也  
作其文丹此山舊次  
驪山之後  
天山當西域東西之中小裕勒都斯河所出也同語裕  
勒都斯

星也兩河之源  
星發泉如列星  
山名阿勒坦陰克遜蒙古語阿勒坦金  
也亦作阿爾泰

水出其北西流屈而西南注大裕勒都斯形仰故亦名

英水英義  
見前大裕勒源鄂敦庫爾嶺鄂敦蒙古語星也庫  
爾一作庫勒同語池

也  
有溫泉準部時石瓮猶存河東流南受特爾默哈達

布拉克水又受布蘭布拉克水蒙古語特爾默駱駝也  
哈達山峯也卽烏拉哈

達也布拉克泉也布蘭準語謂溫泉也故名湯谷青雄黃見前

又西北四百二十里曰密山舊作峯乃嶺之譌郭注穆天  
子傳及李善注南都賦天台

山賦並引其上多丹木員葉而赤莖黃華而赤實其味如

飴食之不飢丹水出焉西流注于稷澤其中多白玉是有

玉膏其原沸沸湯湯黃帝是食是饗是生玄土玉膏所出  
 以灌丹木丹木五歲五色乃清五味乃馨黃帝乃取密山  
 之玉榮而投之鍾山之陽瑾瑜之玉為良堅栗精密栗或作栗  
 濁澤而有光而字舊譌五色發作以和柔剛天地鬼神是  
 食是饗君子服之以禦不祥自密山至于鍾山四百八十  
 里舊作四百六十里其閒盡澤也是多奇鳥怪獸奇魚皆異物焉  
此山舊次不周之後

密山喀什河源之喀拉古顏山也爾雅山如堂者密準  
 語謂股曰古顏蓋山形若箕股而深黑也準同語皆謂

玉曰喀什蒙古曰哈斯西域水道記云水源處涌泉成  
 池菹澤星布蕩而西流十餘里布爾哈斯水自南來匯  
 布爾蒙古謂虎也布爾哈斯言黃玉有文即此經之瑾  
 瑜也瑾是鮪瑜是江瑤此直以黃玉當之蓋誤經名丹水蓋亦生丹丹木之  
 實食之不飢當即穆天子傳之苜蓿郭注音祇謹西膜之所  
 謂木禾董黏滑也即如飴之謂今水自源行二十里有阿布達摩  
 多水發自北山來入山之陰即重鎚氏所國黑水所流  
 瀦也阿布達蒙古語謂糜米也摩多樹也其閒謂源處  
 又西四百八十里舊作又西北四百二十里曰鍾山其子曰鼓其狀如



人面而龍身是與欽鴉後漢書張衡傳引作欽駝殺葆江于昆侖之陽

或作祖江郝云張衡傳法及李善注思帝乃戮之鍾山之

玄賦並引作祖江陶潛讀山海經詩同東曰瑤岸善注及張衡傳注並引作瑤岸欽鴉化為大

鶚其狀如雕而黑文白首赤喙而虎爪其音如晨鵠見則

有大兵鼓亦化為鷓鴣鳥其狀如鴟赤足而直喙黃文而白

首其音如鵠見即其邑大旱

伊犁河南岸自特克斯會口以西總名曰鍾山鍾古文

同鐘兩水形如寢鐘也穆天子傳假借作春欽鴉莊子

作堪坏淮南子作欽負欽堪鴉坏負並聲類字瑤岸

沙拉博霍齊嶺在會口之西北臨河之上蒙古語沙拉

月也博霍齊牝牛也言兩峯曲起似月與牛角也瑤江

瑤也古从玉之字如瑤珠瑤玖亦象形鶚雖鳩即魚鷹

其聲似罟詩所謂關關者也關關如門大鶚乃雕屬耳

晨鵠鵠警旦也鷓鴣蓋今秧雞之類俗呼白面雞雌雄

偶行雄鳴一聲雌一俯其首聲似蝦蟆也依此字當作

兒鵠黃鵠俗呼天鷲也鳩从允俯屈

又西三百里舊作二百里曰長留之山其神白帝少昊居之其

獸皆文尾其鳥皆文首兩文字或作長是多文玉石實唯員神魄

氏之宮是神也主司反景

此山之前舊有軒轅積石二山係中經錯簡

留溜也穆天子傳作淡蓋洪之譌顏氏家訓引帝王世

紀作流

書證篇引云帝少昊崩其神降于長流之山於祀主秋蓋本此經為說

伊犁塔勒

奇城北百里有谷曰果子溝長七十里為伊犁驛程所經嶺上出泉南會眾流出山曰烏里雅蘇圖水峽流迅急跨橋四十有二故長留所由納稱也穆天子傳說王東歸云丙戌至于長洪重繼氏之西丑丁亥天子升于長洪乃遂東征庚寅至于重繼氏黑水之阿以此經證之道里宛然

又西三百二十里曰槐江之山丘時之水出焉而北流注

于泐水其中多羸母其上多青雄黃多臧琅玕

臧舊作臧古字通玕

舊譌作玕

黃金玉其陽多丹粟其陰多采黃金銀寶惟帝之平

圃神英招司之其狀馬身而人面虎文而鳥翼徇于四海

其音如榴

或作榴

南望昆侖其光熊熊其氣魂魂西望大澤

后稷所潛也其中多玉其陰多榘木之有若北望諸毗槐

鬼離侖居之鷹鷂之所宅也東望恆山四成有窮鬼居之

各在一搏

舊作搏或作搏

爰有淫水其清洛洛有天神焉其狀如

牛而八足二首馬尾其音如勃皇見則其邑有兵

此山舊次泰器

後之

槐江丘時山水更為名

時義見前

槐江即沙爾巴克圖河東

北流注喀拉塔拉額西柯淖爾泐音黝羸形番腹故曰

母臧善也琅玕即瑯琊今人呼為馬腦

瑯琊郡以此得名漢人誤讀為

玕說文又別作瑁以

為古文玕字妄也采謂金銀之有符采者榴同鑼兵

名以鐵為杙貫繩於筒以發之也通作劉

古留字从由从卯納繩於

墨垂默若巾也鑼之形

似之其籀字乃墨筵耳南望謂東南也鍾山以東總曰

昆侖光氣所見指謂哈什河北岸之吉勒蘇胡嶺蒙古

語謂日光眩目也大澤即巴勒喀什淖爾巴勒喀什即

布爾哈斯如云黃玉池也此澤東西袤八百餘里南北

廣處二百餘里狹處百餘里中有三山以其為后稷之

神所潛因名曰稷澤焉大木曰榘

本作榘省為榘

榘木之有若

大桑也諸毗塔爾巴哈台西之阿拉克圖古勒淖爾也

諸毗義見前

恆山在安阜城南古爾班晶河所出北流經城

西注喀拉塔拉厄西柯淖爾晶解見前昆侖古爾班蒙

古語三數也山形若蒸籠三重即四成之謂矣淫水即

古爾班晶河唐人名石漆河以產石漆故名詳三經洛

水注安阜為古重鎚氏國山形如累甕故名焉勃皇齋

類而大喜食瓜華其聲甚柝柝云即發皇也考工記梓人爲筍虞以翼鳴者鄭注云翼鳴發皇屬發皇爾雅作蚊蟻聲近字通案蚊足曳如友也蟻當作蝗趨火光似

蝗也古作弗皇

又西三百里曰陰山濁浴之水出焉而南流注于蕃澤其中多文具其狀如狸或作豹非而白首名曰天狗其音

如摺摺可以禦凶此山舊次章俄之後

蒙古語謂牲畜糞曰和爾郭斯有和爾郭斯河出槐江源之南曰松山南流注伊犁河又西車集河齊齊罕河

竝南流遇沙而伏又西曰撒瑪勒河曰奎屯河皆南流達葦蕩又西曰圖爾根河南流達小葦蕩諸水竝穢惡不可食故曰濁浴之水陰山即圖爾根源之都蘭哈喇山蕃澤即葦蕩也小澤在西北二十餘里周三十餘里大澤東西百八十餘里南北八十餘里中有洲方四五里有隴畝遺跡蓋古濁絲氏所國也浴古音猶故借作絲摺摺吠未止也

又西四百八十里舊作百八十里曰泰器之山灌水出焉舊作觀水文選注引作濩水呂氏春秋作灌水西流注于流沙是多文鯨魚狀如鯉魚魚

身而鳥翼蒼文而白首赤喙常從西海遊于東海從舊作行呂氏

春秋作從初學以夜飛其音如鸞雞或作樂雞其味酸甘食之

已狂見則天下大穰此山舊次鍾山之後

秦器之山扣肯布拉克山也灌者湯沃之義西域水道

記云山北向如張兩股正中一泉滃然故曰扣肯蒙古語謂

女子也登山西北望蒼茫鬱蒸銀濤一線即巴勒喀什淖

爾也伊犁河北岸之山東西數百里層岡疊阜至此皆

截然而止山下北眺平沙浩渺不知其極扣肯泉水北

流數十里而伏也當作西文鯨亦生海南大者尺許翅

與尾齊如胡蟬也郝云鸞雞疑即鸞也說文云鸞五采

雞形蔡邕獨斷云鸞旗車編羽毛列繫幢旁俗人名之

雞翹車

又西三百七十里曰樂游之山桃水出焉西流注于稷澤

是多白玉其中多鰓魚舊作鰓魚廣韻御覽並引作鰓魚其狀如蛇而四

足是食魚此山舊次昆侖之後

槐江西也桃水今名洮賴圖河穆天子傳作滔水濁絲

氏之所食也鰓魚蓋即鱣魚灰色無鱗背有骨甲三行

行薄水底食魚蟹張喙滿流聽其自入也鰓者其美在

胃

又西三百八十里舊作二百八十里曰章我之山我舊作我無艸木多

瑤碧所為甚怪有獸焉其狀如赤豹五尾一角其音如擊

石其名曰猱曰舊作如有鳥焉其狀如鶴一足赤文青質而白

喙名曰畢方其鳴自叫也見則其邑有譌火此山舊次長留之後

章我察林河口以東山也河自特克斯河北岸山陰西

流環屈而北而東又東北分二支入伊犁河合南所受

水視之象鷺鳥仰立側目之形故名章我古鎔革鳥於

旗章故謂之章經中諸漳水皆取象鷺鳥也我同俄側

首也山積冰雪故無艸木猱音絳尾多如絳繩也爭古

汲者競取繩也从儿象繩形从爪从譌妖訛也

又西三百里舊作二曰符陽之山陽舊作暢郭音陽藝文類聚二卷太平御覽九

卷及十卷竝引此作符陽其上多梭柎下多金玉神江疑居之是山也

多怪雨風雲之所出也此山舊次陰山之後

伊犁河自察林河口西北流百餘里得巴克嶺連山百

里至車里克河口即符陽之山也巴克回語謂叢林也

亦作布喀車里克河即符水帕爾西語車智井也里山在其

東故曰符陽符者水形似剖竹也水東流二百里南受六小水象符刻折而

北二十餘里庫克里水由正西流百四十里來會又  
二十餘里阿蘇嶺水由正西流百里來會象符質也水  
又北流百八十餘里入伊犁河

西水行四百里流沙二百里流沙上舊至于羸母之山神

長乘司之是天之九德也其神狀如人而豹尾其上多玉

其下多青石而無水此山舊次樂游之後

伊犁河自巴克嶺出山兩岸皆沙北岸水艸俱無南岸

雖有水泉無寸艸南岸傍山為沙拉伯勒境西抵阿里馬河其南負山其北皆沙諸水自山

出大者達河小故須水行今自車里克河口西至庫魯

圖河口二百六十餘里即經云四百里也又南經流沙

百三十餘里抵山東當庫魯圖之陬西當哈什塔克河

之隈即經云二百里至于羸母之山也羸母者車里克

西諸水象羸形最西庫魯圖哈什二水象羸麋也

又西三百五十里曰玉山是西王母所居也西王母其狀

如人豹尾莊子釋文引此作狗尾虎齒而善嘯蓬髮戴勝是司天之

厲及五殘有獸焉其狀如犬而豹文其角如牛或作其名

曰狡其音如吠犬見則其國大穰有鳥焉其狀如翟而赤

名曰胜遇是食魚其音如錄見則其國大水此下舊次軒轅積石二山

中經

玉山哈什塔克山也為哈什塔克河所出塔克回語東謂山也

北入伊犁河又北百里注巴勒喀什淖爾西王母神獸因以名國即今哈薩克左部也厲及五殘郝云皆星名月令季春之月命國儼鄭注云此月之中日行歷昴昴有大陵積尸之氣氣佚則厲鬼隨而出行是大陵主厲鬼昴為西方宿故西王母司之也史記天官書云五殘星出正東東方之野其星狀類辰星去地可六七丈正義云五殘一名五鋒出則見五方毀敗之徵大臣誅亡之象西王母主刑殺故又司此也勝猶鮮也勝遇言魚

所畏人遭佛佛曰遇錄郭注復音錄蓋經文本作象同錄以指歷所刻也

又西二百二十里曰三危之山三青鳥居之是山也廣員

百里其上有獸焉其狀如牛白身廣韻引作白首四角其豪如被

衰舊作披其名曰獬狴舊作微狴从玉篇廣韻作是食人有鳥焉一首而

三身其狀如鷄其名曰鴟音根扶獸則死扶木則枯二句郭以

為應在上欽原下脫錯在此非也此山舊次符陽之後

昆侖之西也危義見前山在今綏來縣西南二百里有和爾郭斯河車集河察罕河三水合為一北流阿什木



河合四水自西南來會又北出山口分為三北入葦澤而止象三鳥翼故曰三危自此西逾黑水皆古三危戎地故尚書言竄三苗于三危穆天子傳以為重鎰氏之先三苗氏之所處也員周也三青鳥及有鳥三身亦因山名為說耳微本作狔从丰毛長鬣也狔音也以其豪名

又西三百二十里舊作又北因錯入北經而譌曰敦薨之山其上多椶

栴其下多芘艸敦薨之水出焉而西流注于泐澤出于昆

侖之東北隅實惟河原其中多赤鯪其獸多兕旄牛其鳥

多鴟鳩藏經本作鴟鳩此山舊銘簡在北經大咸山之後因兩泐澤同名誤移

亦昆侖西也以大形言之則在東北敦薨之水即黑水

注澤象死人頓伏形書言導黑水至于三危入于南海

蓋重源再發于衛藏之喀喇烏蘇流為梁州之黑水是

與濟溢為滎漢漾為潛汾出東西皆脈水而知之非臆

度也黑水亦名河者重源遠出同為呵之義也鯪河豚

背有赤道如圭

西北三百里曰長沙之山泚水出焉北流注于泐水無艸木多青雄黃

長沙恆山以東山也其陰多沙泚水即淫水西北流折

而北注淖爾狀足此戾此者以足指物也从匕似匕形也多青雄黃故

生石漆也石漆焚之皆作雄磺氣穆天子傳曰天子自重鑑氏東

征鰥鴛送天子至于長沙之山也

又西北三百七十里曰不周之山北望諸毗之山臨彼嶽

崇之山東望泐澤河水所潛也其原渾渾泡泡爰有嘉果

其實如桃其葉如棗黃華而赤柎食之不勞

不周今博羅塔拉諸山也薩爾巴克圖河貫其中而東

流三面皆山東南獨缺北望塔爾巴哈台山為諸毗所

自源其東北即阿爾泰山頂也蒙古語阿爾泰金河原也一作阿勒坦

說見上泡亦渾耳渾从軍古作芻芟舍所用風炬若今鐙籠也包同孚卵也漚形似之

又西北二百九十里舊無北字曰泐山神蓐收居之其上多嬰

珉之玉其陽多瑾瑜之玉其陰多青雄黃是山也西望日

之所入其氣員神紅光之所司也

長沙西北也泐山因澤納稱在晶河口不周支麓盡處

西水行百里至于翼望之山無艸木多金玉有獸焉其狀

如狸一目而三尾名曰謹謹或作原其音如奪百聲奪舊作

乃手之譌是可以禦凶服之已瘳有鳥焉其狀如鳥三首六尾

而善笑名曰鵠鵠服之使人不厭又可以禦凶

山經  
由澤中行也澤自西南而東北其形斜長而東南凸出  
南北廣八十里東西百五十里肖杆侈其口口向西北  
喀喇烏蘇入其東薩爾巴克圖河入其西晶河入其西  
南自東視之象伏死者屈臂而垂其首故曰敦薨自西  
視之又象偃寢者據掌而仰其首故曰翼望也翼者震  
子之意義見南經中經翼望山在薩爾巴克河口也百  
通白奪白所謂呼五白也笑屈尾如竹笑也奇獨也余  
接也即北經自為牝牡之謂周書作奇餘譌為奇榦善  
笑譌為善芳凡寢者手加于腹則任脈阻而夢為之厭

厭壓也周書作昧昧者神不出于目也任阻則督不能  
獨升也鵠鷄陰陽各為體故能使人不厭

凡西次四經之首舊作三經自崇吾之山至于翼望之山凡二

十一山舊作二十三山六千九百四十里舊作六千七百

六千六百經文二十二山其神狀皆羊身人面其祠之禮用一吉玉瘞糝

用稷米

右西經之山志舊脫凡七十六山舊題作七十七山依

一萬八千一百八十七里舊題作一萬七千五百一十

十二里七里依經文得一萬八千一

十...  
一...  
二...  
三...  
四...  
五...  
六...  
七...  
八...  
九...  
十...



那...  
風...  
書...  
卦...  
規...

[This page is mostly blank with several small, dark ink marks or smudges.]

